



SULEQATIGIISITSISUT
SAMARBEJDSPARTIET
UPA2019/88+111
Tillie Martinussen

27. maj 2019 – Aappassaaneerneqarnera

Nunami maani angerlarsimaffeqanngitsut pillugit ajornartorsiuteqarnermut aaqqiissutissanut eqqarsartussamik suleqatigiisitamik suligasuartussamik pilersitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Suleqatigiisitaq politikerinut aaqqiissutissanik tigussaasunik siunnersuuteqassaaq innersuussuteqarlunilu aamma kingusinnerpaamik ulloq 31. august 2019 saqqummiussissaaq suliniutissat akilersornissaannut aaqqiissutissanullu.

(Inatsisartunut ilaasortaq Tillie Martinussen, Suleqatigiissitsisut)

&

Angerlarsimaffeqannginnerup akiorneqarnissaa pillugu iliussissatut pilersaarummik kigusinnerpaamik UPA2020-mi Naalakkersuisut saqqummiussinissamik peqquneqarnissaat pillugu Inatsisartunut aalajangiiffigisassatut siunnersuut.

(Inatsisartunut ilaasortaq Mimi Karlsen, Inuit Ataqatigiit)

Ataatsimiititaliap isumaliutissiissutaani qulaajarneqarput qassit pineqarnerisut aamma angerlarsimaffeqanngitsut suut sorsuutigisarneraat. Aamma oqaatineqarput angerlarsimaffeqanngitsut qanoq immikkoortiterneqartarnerisut kiisalu paasissutissat tutsuviginartut qallorneqarput. Aamma oqaatigineqarpoq inatsisissatut siunnersuut siusinnerusukkut akuerineqarsimasoq, soorlu 2016-mi sulili piviusunnngortinneqarani. Tunngaviumik inuillu eqqarsaatigalugit tamanna alianarpoq, inunnut qajannarnerpaanut ulorianartorsiornerpaanullu tunngasut taamatut paamaarunneqarmata.

Ilisimasagut nalunaaruskallu naammattut pigereerpagut, taamaattumik iliuseqariannaagaluarpuq aamma Naalakkersuisut eqqaaseqqissavagut aamma partiit aaqqiissutissat pillugit siunnersuutitsinnut itigartitsimasut taamatullu angerlarsimaffeqannginnerneq pillugu aaqqiissutissatut innersuussutigineqartunut itigartitsimasut eqqaasittariaqarpagut, nunami maani angerlarsimaffeqanngitsut maniinnarmiikkunik qiusinnaammata. Angerlarsimaffeqanngitsut naammattumik ikiorneqanngillat. Ukiut arlaanni qulequttatut atuarumaarparput angerlarsimaffeqanngitsut arlaat qiusimasoq.

Naak inimi maani assortuuttoqanngikkaluartoq politikki ingerlareersoq uterfigineqarpoq innersuussutigalugu piffissaliunneqartup sivikippallaarsimanera. Piffissap pillugu allannguutissamik siunnersuuteqarpallattoqarsimasinnaagaluarpoq. Siusinnerusukkut tunngavilersuutigineqartarpoq angerlarsimaffeqanngitsut namminneq angerlarsimaffeqannginnertik pisuussutigisaraat, tarnip pissusaanut ilisimasanut tamanna akerliulluinnarpoq aamma pissutaasartut pillugit paasinninnermut, tassami angerlarsimaffeeruttarnermut pissutaanerusarput atornerluisunnngorsimaneq, quarsaarnartumik misigisaqarsimaneq, aamma angerlarsimaffeqanngitsut ulluni naliginnarni sunilluunniit ataqatigiissaarisarsinnaasanninneri. Puullaqqisinnissaat, kanngusaarnissaat aamma taakkununga tunngasunik sulianik paamaarussineq ajornartorsiutitit isigineqanngillat. Kisianni angerlarsimaffeqanngitsut amerliartuinnarnerisa qangali uppernarsareernikuuat ajortoqartoq.

Illorsuit allalluunniit piumasarinngilagut uani siunnersuummi erngiinnaq itigartinneqartumi.



SULEQATIGIISITSISUT
SAMARBEJDSPARTIET

Suleqatigiisitaliortitserusuppugut eqqarsaqatigiittussanik, oqartussaaffinni assigiinngitsuneersunik inuttaqartinneqartussamik aamma ilinniarsimasunik, ilisimatuunik inuttaqartinneqartussamik aamma nalunaarutit suliarineqareernikuupput taamatullu piffissaq sivikinnerusoq isigalugu aaqqiissutissat, sulii amerlanerusut angerlarsimaffeerunnissaasa utaqqerujoorneranni.

Uggornaqaaq aamma nunaqqatigut pisariaqartitsisut inuttullu pitsaasumik sullittariaqaraluartut nalligeqaagut, nalunaarusiortoqaqqittariaqanngikkaluarpormi.

Taamatut oqaaseqarluta immikkoortoq 111 akueralugu taasivugut.

Maluginiarparpulli ataatsimiititaliap angerlarsimaffeqanngitsut, ilisimatuut oqaloqatigisimannngikkaat imaluunniit Uloqianartorsiortarneq pillugu nalunaarusiaq suliaminnut ilanngussimannngikkaat aamma allat attuumassuteqartut kingullermik siunnersuuterput ataatsimiititaliami suliarineqarmat.